

القائد الرباني المنتظر | الحلقة (60) | #فرسان_الأقصى | د . حازم شومان

حازم شومان

السلام عليكم ورحمة الله وبركاته. الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. اللهم صل على محمد وعلى آل محمد كما صليت على ابراهيم. وعلى آل ابراهيم انك حميد مجيد.
اللهم - 00:00:00

اللهم بارك على محمد وعلى آل محمد. كما باركت على ابراهيم وعلى آل ابراهيم. انك حميد مجيد. ثم اما بعد. تحبوا نتكلم في ايه الليلة يا جماعة؟ تحبوا نتكلم بداية عن التداعيات الخطيرة اللي حصلت في نادي الزمالك الفترة اللي فاتت ولا نتكلم عن أزمة غزة؟ تحبوا نتكلم عن خطة الانقاذ - 00:00:22
اللي هتتعلم من اجل انقاز المنتخب والكرة المصرية. ونادي الزمالك ولا نتكلم عن غزة ولا نتكلم عن غزة ومن قبلها نتكلم عن الرقصة اللي وقفت ترقص كاتبة على بدلة الرأس ايات قرآنية. ومن قبلها عارضة الازياء الاجنبية اللي طلعت تعرض ازياء. وهي لابسة اسواب عليها القرآن الكريم. مكتوب ولا نتكلم قبل - 00:00:42

عن المسجد اللي هدموه في الهند عشان بينوا مكانه معبد. ولا المصحف اللي الامريكان دخلوه في المرحاض في جوائنتاموا عشان يهينوا مقدساتنا. ولا ولا الحجاب اللي منعه ومنعوا البنات اللي لابساه من الدخول في المدارس الفرنسية. ولا اليهودية اللي رسمت صورة خنزير وكتبت عليها اسم رسول الله عليه الصلاة - 00:01:02
والسلام. اسم رسولنا ونبينا. ولا الرقصة اللي من بلدنا ومن بنات جنسنا اللي وقفت ترقص بالنقاب سخرية من المنقبات اللي ضافر اقل واحدة منهم ببلد منها هنتكلم عن ايه مش ربنا بيقول سبحانه وتعالى كيف وان يظهرها عليكم لا يرقب فيكم الا ولا ذمة في صور - 00:01:22

نشرت مؤخرا عن مزبحة جنين. المزبحة اللي حصلت ثلاثة اربعة الفين واثنين. ولكن الفيلم عرض في فترة اخيرة ثلاثة اربعة الفين واثنين. كنت فين ليلتها؟ كنت سهران في ليلتها. كنت بتعملي ايه ساعتها؟ مين فينا كان بيتفرج على التلفزيون؟ مين فينا كان بيسمع اغنية؟ مين فينا كان نايم؟ مين كم واحد كان سهران على القهوة وكم واحد؟ كان - 00:01:42
بيتكلم مكالمة عاطفية طول الليل. وكم واحد كان سهران على الكورنيش مع فتاة احلامه؟ مين فينا كنا كنت بتعملي ايه يوم ثلاثة اربعة الفين واثنين وانت كنت بتعمل ايه؟ الفيلم بيعرض لك من ضمن المشاهد - 00:02:02

ان ام بتقول جوزها ابنها نزل الشارع يجيب حاجة. الولد اتأخر. طبعاً القزف من السما والضرب بالمدافع. فالاب اتربع على ابنه. فالاب كل شوية يدخل البلكونة يخرج يشوف ابنه اليهود رصوده اول ما خرج البلكونة قاموا ضاربينه. اتقتل بتنادي عليه ما بيردش. خرجت تشوفه لقيته مقتول. بتحاول انها تطلب - 00:02:16

الاسعاف ما فيش اسعاف. توديه مستشفى ممنوع تحت القزائف الصهيونية. بتقول فضل الاب كزا يوم ينزف لحد ما مات قدام ولاده. مات وبدأت جسته معفن قدام ولاده. ولولاد الاطفال ما هماش فاهمين فيه ايه. ابوهم بيحصل لهم ايه. من ضمن المشاهد خبطوا على بيت احد المسلمين وحطوا قنبلة على الباب. اختين بيجروا عشان - 00:02:36

بيفتحوا واحدة بتفتح القنبلة انفجرت فيها. امها بتجري وراها نص وشها طار من القنبلة. البنت وهي بتنزف بيحاولوا ينقزوها. ممنوع

الخروج برة المنازل ماتت بعد عدة ايام من النزيف والعذاب. من ضمن المشاهد قالوا ساعتين ثلاثة حظر التجوال هينتهي. اللي عايز يخرج يجيب اكل وشرب يخرج. الناس خرجت ابو - [00:02:56](#)

النار على الناس. ثلاثة اربعة الفين واثنين. كنا فين يا امة محمد؟ لما مزبحة شيرين حصلت وحاصروها قبل ما يدخلوا يقتلوهم ستة واربعين دولة اسلامية. كان رد فقال لهم ايه؟ ساكتب شعري الباكي - [00:03:16](#)

بدمع العين بدمع القلب للحبر. اسطره على كبدي واترك دفتر الشعر. جراح احبتي في الارض احبتي في الارض تبعث عاصف الفكر احقا احقا ان سيف الكفر تشهره يد الكفر. وان دماء اخواني على طرقاتهم - [00:03:29](#)

تجري. احقا ان مسلمة بها كبراءة الزهر تبيت عفيفة والليل يهتك سترة الطهر. احقا قصة الاحراق والتشجيع قصري. احقا قصة التشويه في الوجه وفي الظهر. احقا ان رأس المرء يجعل لعبة تجري. وان دماء اخواني على طرقات - [00:03:48](#)

تسري. احقا ذلكم حقا؟ فما للقلب كالصخر! ده بيحصل فعلا يا جماعة! سبحان الملك الجليل! صرخات من فوق التراب! صرخات قبل ما نزل التراب قبل ما ننزل ونتحاسب على اللي بيحصل لامتنا. ياه على اللي حصل لامة محمد في بورما مية خمسة وعشرين الف مسلم. تحت وطأة التعذيب هناك اتحولوا من عباد - [00:04:08](#)

لله. لعباد الواو للبقر. الفلبين في غيبة من المسلمين كانت تمانين في المية من المسلمين. اتحولت لعشرين في المية مسلمين بنفس الطريقة والاسلوب بورما والفلبين ايطاليا ايطاليا لما كانوا جايين يحتلوا ليبيا كان النشيد القومي بتاعهم يا امي لا تبكي علي انني ذاهب الى سحق الامة الملعون - [00:04:28](#)

انني ذاهب لامحو القرآن من على وجه الارض. فاذنا مت فلا تبكي علي فانما مت في محاربة الاسلام. بيروت وفي اليم ماتت قدسنا انتحرت ونحن في العار نسقي وحلنا طينا. طهران ماتت وبغداد يحاصرها. بحر من الدم بات الان يسقينا. دمع المنابر - [00:04:48](#)

بيشكو للمصلين باعوا المآذن والقرآن والدين. القضية بتتباع يا جماعة واحنا مش واحنا مش داريين. القضية بتتباع واحنا مش واخدين في بالنا احنا مش عارفين نعمل ايه. واحنا واقفين مكتوفين الايدي. هنعمل ايه من اجل ديننا؟ المقدمة اللي انا قلتها داهية المقدمة اللي فيها الطعن في الدين مش في الابناء ولا في المال في الدين - [00:05:08](#)

في ناس تظن ان بداية نهاية الدرس هي بتاعته. ان الدرس كله هيبقى عن مقاس الواقع. لا بالعكس انا جاي النهاردة اتكلم عن موضوع عكسي تماما المقدمة. جاي اتكلم عن - [00:05:28](#)

الموضوع لا علاقة له بالمقدمة اللي انا بقولها جاي تتكلم عن ايه؟ جاي اتكلم لما الصحابي بيقول في غزوة الاحزاب قل كان لا يأمن احدنا ان يذهب الى الغائط لرسول الله يعدنا بكنوز كسرى وكيسر. ازاى؟ يعني الواحد مش مش مآمن. الله اعلم ما كان في صدر سراقه بن مالك حينما وقف - [00:05:38](#)

رسول الله صلى الله عليه وسلم وحيدا في الصحراء يعدوه بسواري كسرى. اللي كان في صدر سراقه ابن ما لك ساعتها يا جماعة. انا جاي اكلمكم عن حاجة عكس - [00:05:58](#)

تمام انا جاي اكلمكم عن الامل. الامل في النصر. انا جاي اكلمكم عن ان الامة الوقتي بتتمخض عن نصر عظيم. بازن الله. كل واحد معتقل. كل واحد مسجون. كل واحد - [00:06:08](#)

في سجون اليهود كل واحد اتقتل من اخوانا في غزة. رسالة ده ده ملمح من ملامح النصر والامل. انفاusk الحرة وان هي اخمدت. ستظل تعبر بدخاني وقروح جسمك وهو تحت سياطهم. قسمات صبح يتقيه الجاني. دمع السجين هناك في اغلاله. ودم - [00:06:18](#)

هنا سيلتقيان حتى اذا ما اطعمت بهما الربا لم يبق غير تمرد الفيضان. ان احتدام النار في جوف الثرى. امرا يثير حفيظة البركان وتتابع القطرات ينزل بعده. سيل يليه تدفق الطوفان. الطوفان النصر قادم يا امة محمد. باذن - [00:06:38](#)

الله سبحانه وتعالى ولكن ولكن نثبت على ديننا. كما قال رسول الله صلى الله عليه وسلم دي السلسلة الصحيحة لا يزال الله يغرس في هذا الدين غرسا يستعملهم في طاعته الى يوم القيامة. مين الغرس دول؟ انتم انتم يا امة - [00:06:58](#)

محمد انتم انتم يا شباب انتم يا امل الامة انتم الغرس. هو الغرس اللي ربنا غرسه بايديه. اهل الباطل هيقتنعوه السراج المنير بتاع

الاسلام من الف وربعميت سنة متوهج. الف اتاتورك ما عرفش يطفيه. الف ابو جهل ما عرفش يطفيه. الف ابو لهب ما عرفش يطفيه.
بوش وشارون هيطفوه. الاسلام - 00:07:15

حارب بكل وسيلة من الوسائل اتحارب بكل الوسائل. اتحارب بالاستعمار. اتحارب بالتنصير. اتحارب بالتتار. بالحملات الصليبية.
اتحارب بدس الاسرائيليات المكذوبة والاحاديس الموضوعة. اتحارب بمحاولة قتل رسول الله. وما اتهدمش هم اللي هيجوا يهدوه
دلوقتي. الاسلام صمد قدام سيات ابو لهب وابو جهل. صمد قدام - 00:07:35
سبع حملات صليبية مسعورة هيجي يقع الوقتي. الاسلام عامل زي الشمس. الشمس كل ما اعداء الدين يحاولوا يخلوها تغيب. بتغيب
بتغيب خلاص هتغيب اطلع من الناحية الثانية وتظهر قلوبهم كلهم. يغيب من الاندلس تطلع الدولة العثمانية الجبارة اللي ربنا اعز بها
الاسلام مئات السنين - 00:07:55

انتم الشمس اللي طالعة دلوقتي يا امة محمد. انتم الشمس اللي طالعة دلوقتي يا شباب الصحو. الصحو الاسلامية اللي انفجرت
فجأة بدون اي توقع ولا اي حسابات. ولما انفجرت انفجرت في كل - 00:08:15
شيء في المجتمع انفجرت مش ده وعد ربنا؟ نسيتموا وعد ربنا؟ انا لننصر رسلنا والذين امنوا في الحياة الدنيا ويوم يقوم الاشهاد.
نسيته ووعد ربنا ولقد سبقت كلمتنا لعبادنا المرسلين. انهم لهم المنصورون. نسيتموا وعد ربنا. ولقد كتبنا في الزبور من بعد الذكر ان
الارض - 00:08:25

عبادي الصالحون. نسيتموا وعود ربنا. الصح وانتشرت وسط الكل. وسط الشباب. انهار الدموع دلوقتي اللي بتبكي في الحرمين من
العبادة وفي العمرة وفي الحج اقصرها من الشباب. المساجد اكثر المصلين من الشباب. الدروس اللي في المساجد اللي بيديها واللي
بيحضرها. معظمهم من الشباب. صح واقتست حتى النساء - 00:08:45
رؤوس النساء اكتسحت بالحجاب. بعد ما كان الحجاب ده قبل كده من عشرين سنة حاجة شاذة نادرة الحدوس. صحوه اكتسحت
حتى اسوأ المجتمع من الفنانين والفنانات والمغنيين والمغنيات. فصحوه تحولت فيها الراقات الى منقبات. صح واكتسحت حتى
الجامعات - 00:09:05

اللي لم تنشأ الا لحرب الاسلام واهله. صحوه من عشرين سنة افتر من ستاشر سنة اول ما الواحد التزم. كانوا دايمًا يتكلموا بيقولوا
العشوائيات سبب التطرف العشوائيات هي اللي بيخرج منها الارهابيين. العشوائيات سبب خروج الملتزمين. الوقت يا جماعة بقى
افخم الابراج. واعظم القصور واعلى المراكز - 00:09:25
واعزم اساتذة الجامعات هم دول ابناء الصحو الاسلامية. الاعتكاف من سنين كنا بنعتكف ما كانش حد بيعتكف. الوقت الاعتكاف
يعني بتيجي ما انتاش لاقى مكان تمام. باسمك ربي حشرت جنبي. ما انتاش لاقى اصلا. حطة تحط فيها جنبك. التهجد من عشر سنين
لما مسجد عندنا عمل تهجد. الناس استغربت ايه - 00:09:45

المسجد الغريب ده الوقت ليلة سبعة وعشرين في التهجد كبرى الشوارع في البلاد بتتقفل من كتر المصلين. ياه! هم بيطلعنوا في
الاسلام بس ما بيقتلهوش ده بيفقوه. ربنا بيقول طعنوا في دينكم. بس اصلحنا ديننا ده نور. الدين ده مش لحم ودم زي البشر دي ان
ده جاي من نور السماوات والارض. دينا نور - 00:10:05
والجسد اللي من نور لما بيطن بيخرج ايه يخرج نور. عشان كده كل ما بيطلعنوه الصحو بتزيد. كل ما بيطلعنوه الاسلام بيتنشر. كل
ما بيطلعنوه التمكين بيقترب كل ما بيطلعنوه الاسلام بيزيد في الدنيا كلها وهم مذولين ما هماش عارفين. يعملوا ايه. هنتكلم عن ايه
النهاردة؟ عارفين هنتكلم عن ايه - 00:10:25

هنتكلم عن اعظم اعظم فرسان الاقصى في تاريخ البشرية. هنتكلم عن محررو الارض المقدسة في تاريخ البشرية. هنتكلم عن اعظم
فرسان اللي الارض المقدسة اتحررت على ايديهم. عشان كلنا نبقى زيه. انا باكلم مين؟ انا باكلم كل شاب داس على شهواته في
عصر الشهوات. كل بنت بتصفع كل يوم اهل - 00:10:43
الباطل والعالميين والعلمانيين بنقابها وحجابها. وهي بتنزل كل مرة منقبة ومحجبة. انا بكلم مين؟ انا النهاردة مش جاي اكلم ام

بنطلون وابو سلسلة. انا النهاردة المشكلة اتكلم يا جماعة اللي باعوا القضية. مش جاي اكلم اللي بيتابعوا المباريات والماتشات ودم اخوهم كانه مائة وهو بينزف قدام عينيهم في الشاشات. انا مش جاي اكلم ام تينك - [00:11:03](#)
دو جلاس انا النهاردة يا جماعة انا جاي اكلم اللي لسة عنده دين. اللي لسة عنده دم. انا جاي اقول لك النهاردة مش عايز اقول لك صل وصم. انا عايز اقول لك شل - [00:11:23](#)

شيلي دين. انا مش جاي اكلم النهاردة بتوع بركة يا معبر. عارفين بركة يا معبر؟ عارفين بركة يا جامع؟ اللي كان رايح يصلي في الجامع مش عايز يصلي. لقي باب الجامع مقفول قال بركة يا جماعة - [00:11:33](#)
اللي عايزين آآ يهربوا من الجهاد، المعبر مقفول نعمل ايه؟ بركة معبر الحمد لله. احنا ما كناش عايزين نجاهد اصلا. يا شباب الامة يا شباب الصحوة لو قضيت غزة والدماء اللي فيها ما فوتكش. وقضية بغداد ما فوتكش. وقضية شق السودان ما فوتكش. وقضية التنصير ما فوتكش. امال هتفوق امتي؟ امال هتفوقي امتي - [00:11:43](#)

جه بكر الليل والنهار من اهل الباطل. عايز جهد الليل والنهار مننا. العلمانيين ما بيناموش يا جماعة. ما بيناموش يا اهل الحق. اهل الباطل ما عدوش بيناموا جرايد يبصوا فيها سمومهم وازاعات وبقنات وصحف. التنصير ما بيناموش. اصعب من مشهد انه مسلم يقتل. او مسلمة تتدبح او طفل يتسل - [00:12:03](#)

اعظم المشهد ده. مسلم يتنصر ويسيب دينه ويدق صليب او في الاخر. او يسجد لصنم من اصنام بوذا. المرسلين ما بيناموش. اليهود ما بيناموش. اليهود اللي بيدخلوا الدبابات بتاعتهم دلوقتي في حرب غزة لابسين الحفاضات البامبرز لانهم مرعوبين يخرجوا برضو ما بيناموش رغم ان امة محمد الف وربعمية مليون - [00:12:23](#)

لو قمنا كلنا وكل واحد بصق بصق على اليهود هيغرقوا. لو قمنا كلنا وكل واحد كح الف وربعمية مليون كحة ان اليهود هيتربع بيموتوا من الصوت. ولكن اليهود ما بيناموش. النصارى ما بيناموش - [00:12:43](#)
العلمانيين ما بيناموش. المغنيين والمغنيات ما بيناموش. بعد ما اعلنوا الحرب على الله في ارضه. بياخدوا مئات الالوف في الحفلة الواحدة يناموا ليه؟ يبقى احنا يا جماعة احنا اللي ننام. انا - [00:12:58](#)

كل واحد عايز يبقى قائد رباني منتزر لهذه الامة. مين القواد الربانيين المنتزرين اللي حرروا فلسطين؟ درس الليلة القائد الرباني المنتزر هاكلمكم عن قائد قائد من قواد الربانيين المنتظرين. اللي في وسطنا اتحررت على ايديهم في يوم من الايام. وفي عصر من العصور. باقول الكلام ده عشان انت تبقى زيه. عشان انت - [00:13:08](#)

صلاح الدين جديد. عشان انت تبقى صلاح الدين بتاع بكرة. انا هبدأ باول واحد هبدأ بسيدنا داود. سيدنا داود اشمعنى سيدنا داود؟ سيدنا داود كان القائد الرباني المنتزر بني اسرائيل كان عندها صحوة اسلامية عند بني اسرائيل زي الصحوة اللي موجودة دلوقتي. جه سيدنا داود قاضي الصحوة لقيادة العالم. بني اسرائيل قبل داوود كانوا ام ممزقة - [00:13:28](#)

دلوقتي بعد داوود كانت امة كلها خلافة وتبكي في الارض. قصة داوود وتحرير الارض المقدسة مسجلة في سورة البقرة. ربنا خلدها. سيدنا داود ما ظهرش غير في المشهد الاخير. ليه؟ عشان لما انت تيجي بعد تمانين سنة من الصحوة ما تقولش وانا هاعمل ايه. انت اللي ممكن فلسطين تتحرر على ايديك. انت اللي ممكن تجيبي لنا صلاح - [00:13:48](#)

انت اللي ممكن تولد لنا فانت اللي ممكن ابنك اللي انت هتريه. ييجي بازن الله فارس الاقصى اللي هيحرر فلسطين. يبدأ القصة المشهد الاول المشهد الاول الشاشة تفتح. على مشهد مظاهرات في الشوارع وقنوط في الجوامع. مظاهرات في الشوارع. ابعت لنا مالكا. نقاتل في سبيل الله - [00:14:08](#)

الهتين فشغالين. جماعة مصر الليمون شغالة. ابعت لنا ملكا وفي القنوت. اللهم اهلك اليهود بالامريكان. والامريكان بالروس والرسم هندوس امين. كلمة امين ترج المسجد. اللهم اهلك الظالمين بالظالمين. وخلينا احنا كده نايمين وقاعدين امين. الشيخ ده يا اخي الدعاء - [00:14:28](#)

بيشرح الصدر بشكل. اللي يسمع امين بترج المسجد يقول الناس دي هتخرج برة المسجد هتنقض على اليهود. يخرجوا برة المسجد

ينقضوا على الدنيا. وعلى التليفزيون وعلى الشهوات سبحان الملك المشهد الثاني - 00:14:48

فلما كتب عليهم القتال تولوا الا قليلا منهم. اه جماعة مصر اليمون كلها مشيت. اللي كانوا اللي كنا لا شايفينهم في تبرعات. ولا شايفينهم في دعوة. ولا في معركة الدين مع الباطل. ولا شايفينهم في حرب العلمانية. ولا شايفينهم في الجهاد ولا شايفينهم في الدروس. اذا كنت ما لقناكيش في الدروس - 00:15:02

اذا كنا ما لقيناكش في طلب العلم. اذا كنا ما لقيناكيش في حفز القرآن هنلاقيكم في الجهاد. هنلاقي مين يا جماعة اللي ما حضرش في بيت الامام وهيبي في الجهاد بعد كده؟ تولوا - 00:15:22
فلما جاءت الامتحانات تولوا. فلما جاء اجازة نص السنة تولوا. فلما جه صدام خفيف تولوا. تولوا يا جماعة تولوا ليه؟ لان ما كانش اصلا ثابت الدين من قبلها. الامام الغزالي كان في المسجد الاموي. جه واحد من بغداد الحقم التتار دبحونا. التتار قطعونا الناس قعدت تعيط وتصوت - 00:15:32

محمد الغزالي قال بس السوريين الوقتي هيقوموا يقطعوا التتار. شوية كل واحد نزل نام في بيته وكل وشرب. وراح لمراته. قال ايه ده لا لا ده الام عايضة تحيا من جديد. دخل قفل على نفسه باب بيته خمس سنين يألف احياء علوم الدين. ده احنا عايزين نحبي فرسان اقصى من جديد - 00:15:52

المشهد الثاني بينتهي والناس بتهرب وبتتساقط. المشهد الثالث. فلما فصل طالوت بالجنود قال ان الله مبتليكم بنهر. الدنيا لازم هتيجي في الطريق وانت مخالفة الدعوة. ليه؟ عشان ربنا يبتليك. اسبوعين امتحانات عنده امتحان بعشر درجات بعد اسبوعين. لا يصلي في جامع. ولا يحضر دروس ولا تسمع دروس ولا يسمع شرايط - 00:16:12

ولا له دعوة. ازاي يا ابني! انت بتقطع! انت مش غرقت في نهر! انت غرقت في ترعة! المشهد الثالث يا جماعة بينتهي! والملتزمين والملتزمات! بيتساقطوا امام فتن الدنيا ومشاهد الدنيا ويبيجي المشهد الرابع. فلما جاوزه هو والذين امنوا معه قالوا لا طاقة لنا اليوم. خلاص تعبنا ما عدناش قادرين - 00:16:32

بعد ما قاومت بعد ما حاربت اهلي عشان النقاب. بعد ما قاومت صحابي وسخريتهم عشان التزامي. بعد ما حاربت اهلي عشان التزامه وعشان اللحية. بعد حببتي في كل مكان. بعد ما استحملت ما عدتش قادر اشتغل في الدعوة. وما حدش يقول لي دعوة. ما حدش يقول لي ضحي. بعد ما اتجوزت ودفعت اقساط قعدت سنتين اشتغل. واسدد اقساط - 00:16:52

ما كنتش قادر لا طاقة لنا اليوم. بعد ما اتجوزت وخلفت ثلاث اربع خمس عيال. نست كل حاجة وباعت القضية خلاص. ولكن فضت فئة. فئة صغيرة ولكن فئة سابتة على مبادئها. فيها الدنيا ما غيرتهاش. الشهوات ما غيرتهاش. الفتن ما غيرتهاش. الجواز ما عطلمش. فئة فضلت صبرا لالاخر لغاية الارض المقدسة يا جماعة - 00:17:12

ولكن اول ما وصلت فوجئت ان جيش جالوت جيش عملاق. جيش رهيبه تعمل فيه ايه؟ هتواجهه ازاي؟ طب هنعمل ايه؟ وبدأ خلاص لا يمكن. ما فيش امل بكل حسابات الواقعة لا يمكن نتصر. بكل حسابات الواقعة فلسطين ما هيش راجعة. الارض المقدسة مش هتتحرر. وبدأ اهل الباطل ينتفشوا. وبدأ العلمانيين يطلعوا من جديد وفجأة - 00:17:32

يطلع شاب من شباب الصحوة الاسلامية. يطلع بطل من ابطال الصحوة الاسلامية. يقلب كل الموازين. ويغير كل الحسابات. ويقلب الواقع كله وينقز الامة اللي كل شبر فيها بيستغيث من الدماء المتفجرة فيه ويفتح بازن الله باب امل لكل مستضعف في الارض. ويبهز العالم ويرفع راية الخلافة - 00:17:52

تمكين من جديد. فجأة يطلع داود وقتل داوود جالوت ياه! تمانين سنة يا رب! تمانين سنة عمر الصحوة الاسلامية تمانين سنة يا رب عزل لي كل حاجة. الوف الشباب ضحى بدمها في كل مكان يا رب. الوف النساء داسوا على على كل احلام اي امرأة. كلنا ربنا -

00:18:12

كل حاجة. كل ما نملك من الوقت والجهد والمال والفكر. تمانين سنة يا رب بنبذل شهيد ورا شهيد. ومجاهد ورا مجاهد وبعد تمانين سنة ما وصلناش يا رب بعد تمانين سنة لسة كل يوم ارض من اراضي المسلمين بتتاخذ يا رب. ما وصلناش. خلاص السورة بقت سودة

فجأة يطلع من الصحوة - 00:18:32

يا بطل يغير كل الموازين. فجأة يطلع من رحم امرأة مؤمنة بطل رضع الايمان والبطولة واليقين. يقلب كل الموازين. انا عايزك تبقى انت البطل ده انا عايزك تبقى انت ام البطل ده. انا عايزك تبقى ام القائد الرباني المنتظر اللي جاي. انا عايزك تبقى انت القائد الرباني اللي احنا مستنيينه. انا عايز يا جماعة انا مش جاي النهاردة - 00:18:52

اكلكم عن آآ انا مش جاي النهاردة اكلكم يا جماعة عن آآ عن صلاة وصوم بس انا جاي اكلكم على ان حياة خلاص. التيار الاسلامي بقى عدده كبير جدا. عايزين كيف بقى! مش عايزين كم؟ عايزين ملتزمين عايشين عشان الدين. يا اخي - 00:19:12
بالله عليك يا اخي! يا اخي ابوس ايدك! شل! اتوسل لكل ذرة ايمان في قلبك. لكل ذرة ايمان في قلبك. شيل هم دينك. عش عشان قضايا دينك. شيل هم المسلمين المعذبين. وكل مصيبة اغتصبت وكل طفل اتقتل. وكل شبر ضاع. انا بتوسل لكل ذرة ايمان في قلبك - 00:19:27

انك انت تقومي تشيلي هم الكفار اللي بيموتوا على الكفر ويروحوا جهنم. انك تشيلي هم دينك وامتك. يا جماعة يا جماعة كل واحد لازم الليلة ياخذ قرار انه عاش عشان دينه. ان كل حياتي اللي جاية خلاص. انا ما عايش هيبقى لي حلم غير ان انا احرر الارض المقدسة. ان انا احرر العراق. ان انا احرر السودان. ان انا احرر كل مكان - 00:19:47
اهل الباطل دخلوا فيه. ان انا احرر قلوب الناس من الشهوات. ان انا احرر الكفار من العبودية للكفر. مين يا جماعة هيبقى ده هدفه في حياته؟ القائد الرباني الاول كان سيدنا داود بني اسرائيل قبل داود كانوا امة ممزقة زينا الوقتي اتناشر سبط بعده بقوا امة موحدة. بني اسرائيل قبل داود اموالهم - 00:20:07

مجمدة مسروقة منهم زي تجميد الاموال بتاعتنا في بنوك سويسرا. بعد داود امة ممكنة. قبل داود اراضيهم ضايعة. والارض المقدسة ضايعة. بعد داود امة. سيدنا داود بعده بني اسرائيل بقوا امة عظيمة في الارض. مؤثرة في الارض اقوى دولة في الدين والدنيا في الارض. بعد سيدنا داود هتبقى انت القائد الرباني المنتظر - 00:20:27
طب ده هدف الدرس بتاع الليلة يا جماعة السيدة داود لما طموحه علي. ربنا قال ان له الحديد. عايزين قائد منتظر. يرجع يرجع الخلافة من جديد. عايزين قائد منتظر يرفع راية الحق من جديد. عايزين قائد - 00:20:47

منتظر ينصر الدين من جديد وينصر المستضعفين من جديد. عايزين قائد منتظر. سيدنا محمد يا جماعة لما قال يا رب لا تهلك عدواني لا تهلك بعدو من خارجها لا لا سيوف التتار يا رب ولا صواريخ امريكا يا رب ربنا اجاب. انما سيدنا محمد قال له لا تجعل بأس امتي بينهم - 00:21:00

الجديد ربنا اللي بيستجيب يا جماعة. ليه؟ عشان نعرف ان الخطر مش وشارون. الخطر انا وانت لو نمنا وتخاذلنا وتقاعسنا. الصحوة الاسلامية الرهيبة الصحوة الاسلامية الرهيبة اللي انفجرت في الواقع كله. اللي انفجرت في المجتمع والواقع وفي كل مكان. الصحوة ديت اللي احنا ابناؤها شباب من شباب الصحوة وفي العراق شباب صغير - 00:21:20
مدفع امريكا لغاية دلوقتي سبعميت مليار دولار. خسائر بعد ما كانت داخلية تنهينا بخسرانة دم قلبها. شباب الصحوة في افغانستان من عشرين سنة دفعوا الروس دم قلبهم. دفعوا دروس لدرجة انهم شافوا كرامات. سجلت في كتاب اسمه ايات الرحمن في جهاد الافغان. حتى الصحوة انتشرت في العالم كله - 00:21:40

انتزرت الدول الغير اسلامية. امريكا بعد حداثر سبتمبر عدد المسلمين تضاعف قد ايه؟ امريكا نفسها خصص امريكية الفت كتاب من كتر ما شافت انتشار الاسلام وسط الامريكيات تشوف الزاهرة دي سببها ايه؟ انجلترا في جوامع في انجلترا الوقتي صلاة الجمعة بتقام فيها مرتين. لان العدد المسجد لا يسع كل المصلين - 00:22:00

الجارديان البريطانية بتقول ان البريطانيين دلوقتي بيدخلوا في الاسلام افواج مش افراد. يا جماعة الدنمارك يا جماعة الدنمارك الدنمارك كل يوم ببسلم فيها واحد جديد كل دول العالم ايطاليا. بلد الفاتيكان سبعين الف واحد اسلموا مؤخرا فيها. امستردام. امستردام في هولندا. امستردام بقى المسلمين اكبر من عدد اليهود - 00:22:20

الكاثوليك والبروتستانت في عاصمة هولندا امستردام. وعشان كده الرعب الرهيب من الصحوه. الرعب صرخات في العالم كله رعب من الصحوه الاسلاميه. رعب منكم رعب من القوة الاسلاميه الرهيبة لما اتقال ان النهارده الجمعة يبقى يوم الغضب لغزة العالم كله بقى بيجري امبارح بتجروا ليه؟ خايفين - [00:22:42](#)

من اصواتنا امال لو بقت حقيقة مش مجرد اصوات. مرعوبين. صرخة من اليهود من بن جوريون. اخشى ما اخشاه ان يقوم في هذه الامه محمد جديد صرخة من البرتغال هذه الصحوه لا ينقصها الا قائد. صرخة من استاز طه حسين. هذه اخشى ان يخرج منهم من يوجه خلافاتهم - [00:23:02](#)

الينا صحوه من من لورنس براون وهو بيتكلم عن انتشار الاسلام الرهيب بيقول ان العدو الحقيقي ليس شيوعيا وليس وليس الاشتراكية وليس وليس العدو الحقيقي هو الاسلام الذي يكتسح كل الحدود. وزير خارجية فرنسا بيقول ان الدين الاسلامي هو الدين الوحيد. الذي لا لم - [00:23:22](#)

لم يوجد جزء على وجه الارض كلها لم يدخله. الدين الوحيد اللي ما فيش حته في وجه الارض ما فيش فيها مسلم. الدين الوحيد اللي ما فيش جماعة ولا قبيلة ولا مكان في وجه الارض ما دخلش فيه الاسلام. الدين الوحيد يا جماعة. صرخة من الروس. لما الروس دخلوا افغانستان. انسلخ العالم كله ماذا فعلت - [00:23:44](#)

لقد ايقظنا المارد المارد الاسلامي جه مرعوبين مرعوبين كسنجر في كتاب نصر بلا حرب نيكسون اسف في كتاب نصر بلا حرب وهو بيقول ان المخابرات الامريكية ستوجه معظم طاقتها في الفترة القادمة لحرب الاصولية الاسلاميه اللي هو الاوروبيين بيقولوا ان هذه - [00:24:04](#)

لا ينقصها الا صلاح الدين جديد. هو ده اللي ناقص الوقتي. ليه ما تبقاش انت هو؟ ليه ما تبقيش انت وامه؟ ليه ما يبقاش كل واحد منا ببطل من فرسان الاقصى بحق وحقيقي يا جماعة. ليه ما نحررش بيوم اراضينا المقدسه؟ ليه ما نعيش عشان دينا؟ دنيا ايه؟ الدنيا هتروح هتروح. انت كزا سنة وهتبقى متعفن - [00:24:24](#)

تحت التراب طب ما تعيش عمرك عشان ربنا. ما تعيش عمرك عشان حاجة مش هتروح. ما تعيش عمرك عشان الهدف الاعلى. ما تعيش عمرك عشان الحاجة. اللي عشانها. ما تعيش عمرك الحاجة اللي ابو بكر وعمر عاشه عشانها. ما تعيشوا عظماء يا جماعة. الانسان الحقيق هيعيش حقير ويموت حقير. الانسان - [00:24:44](#)

هيعيش تعبان. بس هيموت عظيم. هيموت كبير. ليه ما نعيش عظماء يا جماعة الصحوه الاسلاميه. بدأ الرعب ينتشر من الصحوه الاسلاميه ومع ذلك بتنتشر. بيقول لك في اوربا بيقول لك ان الاسلام قادر على ان ينتشر مرة اخرى بنفس السرعة - [00:25:04](#) التي انتشر بها من قبل يعني يقول لك الاسلام انتشر بالسيف. والله بالسيف طب والوقت انتشاره الرهيب في اوربا وافريقيا ده. احد البريطانيين بيقول انما هو انتشار الاسلام في افريقيا بكل يسر وسهولة. فين السيف الوقتي؟ ده احنا السيف قعد يدبح في رقبينا الوقتي. فين السيف؟ اللي مخلي السياسيين اكبر سياسيين - [00:25:20](#)

العالم بيدخلوا في الاسلام. اكبر سياسيين مراد عظمى سفير المانيا دخل في الاسلام ليه؟ اللي بيخلي اكبر مفكري العالم روجيه جارودي اللي بقى اسمه رجاء جارودي. اللي حكم فرنسا خمستاشر يوم دخل في الاسلام ليه؟ اكبر علماء العالم كيثمور استاز التشريع في كندا في تورنتو. دخل في الاسلام ليه؟ اكبر رجال الدين في العالم دي في بنيامين كيلداني - [00:25:40](#)

وغيره وغيره انا كنت بعمل مكتبة للقساوسة اللي اسلموا ونزلوا كتب. مكتبة لهم بس لوحدهم انس الليمترمي ده بتاع اندونيسيا اللي مؤلف الرد على اهل الصليب يلتفت بنيامين كيلداني اللي مؤلف محمد في الكتاب المقدس بقى اسمه عبدالأحد داود ابراهيم خليل فيلبس اللي بقى اسمه ابراهيم خليل احمد ومنزل مجموعة من الكتب كثير يا جماعة - [00:26:00](#)

بفضل الله سبحانه وتعالى. فين السيف فين السيف الوقتي؟ الحرب بقت رهيبه على الصحوه الاسلاميه. رعب مرعوبين يعملوا ايه؟ يحاربوها ازاي؟ يوجهوها ازاي؟ عرفتم ليه الحرب على غزة؟ عرفتم ليه؟ لان غزة يا جماعة - [00:26:20](#) لو اتسابت كزا سنة هتبقى زي المدينة المنورة بعد هجرة النبي عليه الصلاة والسلام. ارض بتفرغ ابطال وفرسان. ما ينفعش يسيبوها.

كل العالم يتربع. ان هو يسيبها ليه الحرب الاعلامية الرهيبة على الصحة الاسلامية؟ حابوهم سموهم اصوليين اصوليين فوضويين سطحيين لو مسكوها يخربوها لو مسكوها هيضيعو الدنيا - [00:26:33](#)

العبا العالم منهم. توق ضيعوا قضيتهم. خلوا العالم كله يخاف منهم الطيارة العلماني اللي عندنا اشتروا العلمانيين بالفلوس. خلوهم يتواطؤوا زي التواطؤ العلماني الفظيع في قضية غزة حاليا. ليه؟ لان عند العلمانيين غزة - [00:26:53](#)

تبقى في ايد اليهود احسن ما تبقى في ايد الاسلام. هم بيكرهوا الاسلام لدرجة ان اليهود اخف على قلوبهم من الاسلام. البرامج العلمانية البرامج العلمانية المشهورة فينكم فين حشد الناس لقضية غزة؟ ما تسألوا نفسكم. لما تيجوا تتفرجوا عليهم قبل ما تتفرجوا عليهم وتتخدعوا بهم. فين حشدهم لقضية غزة - [00:27:10](#)

قائد العلمانية المشهورة. فين تجنيدها؟ محررينها وكاتبينها لقضية غزة. هم عايزين غزة تضيع لانهم عايزين الاسلام يضيع. اليهود اخافوا على قلوبهم لكن يا جماعة المبشرات والله. المبشرات كل يوم من سنين كل فترة بنسمع. امريكا لما تجبرت وتكبرت السنين اللي فاتت ربنا بعت لها شوية هوا - [00:27:30](#)

على نيو اوليانز على على على كاترينا في نيو اوليانز. احد الاخوة بوش طلع لما جت العاصفة عاصفة كاترينا قال احنا هنبني البلد دي ثاني وهنوري الناس. سنوري العالم كيف بنبي امريكا الدول والمدن؟ العاصفة اشتدت احد الاخوة بيقول فضل ماشي بالسيارة ربعميت كيلو متر في نيو اون ينزل لم يرى الا الدمار - [00:27:50](#)

بون جم الخبراء بعدها قالوا ميت سنة قدام المقاطعة ديت قدام الولاية دي عشان تتعمر ثاني. كولومبيا كولومبيا الصاروخ الامريكي الرهيب اللي بيعوضوا فضيحة شالنجر اللي انفجر قبل كده. لما امريكا طلعت وانفجر ثاني. امريكا قالت احنا صرفنا عليه قد اللي صرفناها الحرب في افغانستان. ثلاث اضعاف ياه - [00:28:10](#)

الوقت افغانستان الامريكان والغرب كلهم قاعدين زي الفيران جوة ومعسكراتهم. اللي بيخرج بيتضرب على طول بالحركة من المجاهدين المسلمين هناك. بشريات يا جماعة. عشان كده الحرب دلوقتي على اشدّها. يا جماعة الصحة الاسلامية عايزة قيادات - [00:28:30](#)

الصحة الاسلامية عايزة ناس تنزل عمرها لها. الصحة الاسلامية ما عادتتش عايزة عدد. الصحة الاسلامية عايزة كيف مش كم؟ عايزة ناس تشيل همها. عايزة ناس تعيش فيها عايزة ناس تشيل دين. مين اللي هيشيل دين لو في قلبك ذرة ايمان باقية شيل دين. لو في قلبك ذرة يقين باقية شيلي دين - [00:28:44](#)

الرباني المنتظر. يا ترى فيه حد مننا يا جماعة؟ يا ترى حد من اللي قاعدين قدامي الوقتي هيبقى هو القائد ده؟ هتبقى هي ام القائد ده. احنا عايزين عايزين كلنا نبقى - [00:29:04](#)

الربانيين المنتظرين. عايزين كلنا نبقى ابطال. عايزين نحفر بعرقنا وتضحياتنا ودمنا بفضل الله وتقبل الله. نحفر اسامينا في التاريخ ليه ربنا عشان الملك الجليل عشان نشهد قدام ربنا ان احنا عشنا عشان الاسلام يا جماعة - [00:29:14](#)

الحرب من زمان على اي قائد يطلع. الحرب الرهيبة على الصحة الاسلامية. اول قائد للامة دي كان مين؟ سيدنا محمد. شوفوا حاولوا يقتلوه قد ايه عليه الصلاة والسلام. اقزر محاولة قتله - [00:29:30](#)

اصعبها واشدها يوم الهجرة يوم الهجرة حاولوا يقتلوه مرتين. مرة لما لفوا حوالين البيت وجابوا شاب فتى من كل قبيلة عشان يتفرغ دم رسول الله صلى الله عليه وسلم. بين - [00:29:40](#)

سائل يومئذ كان اخطر محاولة اغتيال حقيقية وربنا نجاه منها. بعد كده محاولة الاغتيال من سراقه بن مالك. لما فرسه ساخت الاقدام بتاعته في الرمل. بعد كده ما فيش حد ما حاولش يقتل النبي. اليهود حاولوا يأتوه في بني النضير وفي الشاه المسمومة في خيبر. المنافقين حاولوا يقتلوا في غزوة تبوك. الاعراب حاولوا يقتلوه لما واحد اعرابي - [00:29:50](#)

اتسلل ومسك السيف وقال للرسول من يمنعك مني؟ قال له الله. سقط السيف المشركين حاولوا يقتلوه. الكل حاول انه يقتل رسول الله صلى الله عليه وسلم النار حاولوا انهم يقتلوه. لما كسرى بعت ملك اليمن عشان يبعث لرسول الله يقبض عليه ويبعتوا له عليه

الصلاة والسلام. احمد ياسين يا جماعة. احمد ياسين - 00:30:10

الاطراف الاربعة مشلولة مشلولة. وبعد كده فقد نزر عينه والعين الثانية كانت بتروح. تلتاشر سنة سجن. وبعد كده السجن مدى الحياة. ليه ثلاث صواريخ من السما. ليه ؟ عشان قائد. عشان معنى كلمة القيادة في الصف الاسلامي. ليه ابو سفيان لما بعد غزوة احد وقف تحت الجبل ينادي على المسلمين؟ - 00:30:30

قل لي اسأله لهم ايه؟ افيككم ابا بكر افيككم عمر اشمعنى ابو بكر وعمر؟ لان هم دول قيادات. هم دول القيادات يا جماعة. الباطل

مرعوب من اهل الحق. مرعوب ولكن احنا وايه يعني - 00:30:50

وايه يعني طول ما احنا مع ربنا وايه يعني؟ الحق ده بيصرفه مليارات مليارات على مليارات على التنصير مليارات على الانحلال في المجتمع مليارات وايه يعني؟ كل واحد قاعد قدامي الوقتي وكل واحدة قاعدة قدامي الوقتي قصة فشل لملياراتهم. ده بيخططوا ليل نهار - 00:31:02

لتدمير الاسلام وايه يعني؟ كل واحد قاعد قدامي الوقتي قصة فشل لمخططاتهم اديني قاعدين اهو وبتكلم عن ربنا والناس بتسمع وبتزيد وبتضحى وبتبذل حياتها عشان دين ربنا. ده بيحاربوا الاسلام وايه يعني؟ هو اللي بيعملوه الوقت ده. ييجي حاجة في حرب الاسلام في - 00:31:22

الف وربعمية سنة اللي فاتوا. يا جماعة السراج ده ما حدش يقدر يطفيه. الدين ده ما حدش هيقدر يوقعه. البنيان اللي ربنا بناه ما حدش هيقدر يهده. ما بنته يد الله - 00:31:42

لا تهدمه يد انسان. ينسوا ينسوا الدين ده ما حدش هينال منه اي شيه. ابدأ على الاطلاق مهما عملوا مهما حاربوا ايه يعني؟ وايه يعني؟ ده خدوا القدس واحتلوا فلسطين اللي يشوف منزر القدس يوم ما الحملة الصليبية دخلتها وركب الخيول جت غايصة بدم المسلمين - 00:31:52

تقول ان الاسلام لا يمكن هيكون في المدينة دي في يوم في التاريخ ابدأ. وقام الاسلام ثاني مئات السنين. ده دخلوا العراق واحتلوا العراق وايه يعني اللي عمله الامريكان في العراق ما يجيش عشر اللي عمله التتار في العراق. لما التتار دخلوا. ايه يعني؟ ايه يعني يا جماعة؟ يا جماعة احنا عايزين عايزين - 00:32:11

عمل تعامل اللي واسقين من النصر. القواد الربانيين المنتظرين. اول قائد رباني منتظر. لفلسطين كان سيدنا داود عليه الصلاة والسلام. القائد المنتظر الثاني لفلسطين عمر بن الخطاب عمر بن الخطاب اللي فتحت فلسطين في عهد عمر اللي رسول الله صلى الله عليه وسلم انا عايزك دلوقت - 00:32:31

صفات الناس دي وتبقى قدواتك. وتعرف انت عايز تبقى مين. انت عايز تبقى رقم كم في السلسلة ده ايه؟ انا هجيب لك ثلاث قواد ربانيين منتظرين. باذن الله رقم اربعة فين؟ من يوم الثالث ما جاش حد رابع لغاية دلوقت. رقم اربعة فين يا امة محمد؟ ليه ما تبقاش انت رقم اربعة؟ ليه ما تبقيش انت ام رقم اربعة؟ رقم اتنين - 00:32:51

القائد الرباني المنتظر الثاني لفلسطين كان عمر ابن الخطاب. اللي الرسول عليه الصلاة والسلام في صحيح البخاري في اول المجلد السابع بيوصف عمر بيقول فلم ارى عبقرى ينزع نزع عمر. في رؤية شاف الرسول سيدنا عمر بينزع مية من بير عشان الناس يشربهم. والابل تشرب. الرسول - 00:33:11

بيقول فنزع عمر حتى ضرب الناس بعطى. الكل شرب. الكل اتروى. الرسول بيقول فلم ارى عبقرى. العبقرى اللي ما لوش زي. اللي ما لوش انت لازم عشان تبقى فارس بين فرسان الاقصى يبقى ما لكش زي. يبقى انت ما لكش زي. كل البنات بتوع دفعتك. كل صحباتك. كل الملتزمات اللي - 00:33:31

انت وسطهم ما لكش زي. انت وسط الشباب كلهم ما لكش زي. ما لكش زي نموذج فريد. نموذج فريد للصحة الاسلامية فلم ارى عبقرى ينزع نزع عمر. ما لوش زي في نزع. العلماء قالوا ان الماية دي هي الحق. قعد يشيل الحق ويوصله للناس لغاية ما الدنيا - 00:33:51

كلها اتملت حق في عهد عمر. ليه ما تبقاش عبقرية؟ ليه ما تنزعش الحق وتوصله للدنيا كلها؟ ليه يا جماعة؟ ليه يا جماعة ما نبقاش القائد الرباني المنتظر التالت. القائد الرباني المنتظر رقم ثلاثة. مين؟ صلاح الدين الايوبي - [00:34:10](#)

صلاح الدين صلاح الدين يا جماعة اللي كان الرسول عليه الصلاة والسلام في حديس مروي عنه ان النبي عليه الصلاة والسلام كان اذا ركب الدابة قال سبحان الذي سخر لنا هذا وما كنا له مقرنين وانا الى ربنا لمنقلبون. ثم يتبسم رسول الله صلى الله عليه وسلم -

[00:34:28](#)

تبسم عشان كلمة انا الى ربنا لمنقلبون. عشان الشوق الى الله يتبسم عليه الصلاة والسلام. فكان العلماء لما يرووا الحديس مسلسل بالتبسم. كل عالم يروي الحديس سم انت بس كل عالم يروي الحديس ثم يتبسم عشان سنة النبي عليه الصلاة والسلام. مرة صلاح الدين الايوبي قاعد مع نور الدين زنكي. فيقول الحديس لنور الدين ولم يتبسم - [00:34:44](#)

قال له هلا اكملت الحديس؟ قال له كيف اضحك كيف اضحك والمسجد الاقصى اسير. اضحك ازاي؟ والانجاس مهيمين على المسجد الاقصى. اضحك ازاي والدنس بيلف حوالين المسجد الاقصى؟ قلبه خالص الضحك - [00:35:04](#)

قلبه طلق الفرحة بالتلاتة. لحد ما المسجد الاقصى يتحرر. قلبه عجز على انه يفرح. على انه يتبسم على انه عشان المسجد الاقصى اسير. عرفتم ليه ربنا فتح على ايديه. عرفتم ليه ربنا اعاد المسجد الاقصى على ايديه لانه خلاص قلبه - [00:35:23](#)

ده الهم تحرير الارض المقدسة. لدرجة ان هو ما قدرش يتفاعل مع حاجة في الحياة. نظر حياته وقف حياته لتحرير الارض المقدسة. كان ايامها الدولة يا جماعة عليها اجندة. لها اجندة زي الغرب الوقتي كده لهم اجندة. لها اجندة سابتة. الحاكم لما يموت لما محمود مات نور الدين. صلاح الدين ماتش خلاص - [00:35:43](#)

انا مالي بقى انا كنت بساعده في تحرير الشم عشان انما الوقتي خلاص اكمل مول ده. كان فيه اجندة الحجر اللي يموت اللي يبجي بعده يكمل. الوقت فين اجندتنا؟ فين اجندة - [00:36:03](#)

الصف الاسلامي فين اجندة حكامنا؟ فين اجندة البلاد الاسلامية يا جماعة؟ هل في اجندتنا انقاز الكفار من النار؟ الخمسة مليار كافر دول هل في اجندتنا يا جماعة اغاسة المسلمين في العالم. هل في اجندتنا اعادة الخلافة والتمكين في اجندة مين؟ مين على وجه الارض الاحلام والاهداف دي في اجندته - [00:36:13](#)

يا جماعة مين القواد الربانيين المنتظرين ناس تانية ساعدت في عودة الارض المقدسة وساعة زي سيدنا علي بن ابي طالب. لما فتح على ايده خيبر. اليهود. الرسول عليه الصلاة والسلام قال لاعطين الراية غدا - [00:36:33](#)

رجل يحب الله ورسوله ويحبه الله ورسوله. يفتح الله على ايديه. الصحابة كانوا هيتجننوا. عايزين كل واحد يبقي هو. تخيل لو النبي قال كده دي النهاردة. هيبقى مين منكم هو اللي هيفتح على ايديه؟ مين فينا يا جماعة اللي النبي هيدي له الراية؟ مين فينا اللي قلبه يأهله انه يقود؟ الامة ناحية - [00:36:47](#)

النصر دلوقتي انا نفسي النهاردة ممكن ناس تحسب ان درس عالي ان درسك بالله الدرس ده لازم يتقال. الكلام ده لازم يتسمع. الكلام ده لازم يتحط في اجندتنا. الكلام ده لازم يكون حلم حياتنا - [00:37:07](#)

لازم نعيش وده هو هدفنا هنفضل لغاية امتى؟ نكلم ام سلسلة وابوه وابوه وابوه وابوه انسيال وموستريتش وابو مش عارف ايه واللي لابس مش لغاية امتى يا جماعة؟ لغاية امتى؟ امتى هنكبر في خطابنا الدعوي؟ امتى يا جماعة؟ امتى هنفتكر قضية التمكين؟ قضية حياتنا الاساسية. قضية هذه الامة - [00:37:20](#)

للنبي عليه الصلاة والسلام عاش عشانها خلاص بتوع الكورة مش عايزين بتوع الشهوات مش عايزين هنعمل لهم ايه هنسرخ فيهم اكثر من كده ايه هنعمل معهم نفضل ندعوهم لوجه الله معذرة الى ربهم ولعلهم يتقون. ولكن هيبقى قضية الاساسية قضية التمكين. واقعد التمكين للأسف الامة دلوقتي الامة نائمة يا جماعة. الامة - [00:37:40](#)

دايما احداث غزة القلب بيعتصر اكثر من ما بيعتصر على اللي بيحصل بيعتصر على نمو الامة. فيه احد دول الخليج قررت الحكومة انها تفرض على المدارس الخاصة حصة قرآن احد الكتاب العلمانيين كتب في جريدة قال لان كان هذا الكلام صحيحا فانني اقول

اللهم العن وزارة التربية والتعليم ليه؟ انني لم اذهب ابني - 00:38:00

الى هذه المدارس الخاصة الا حتى لا يتعلم اللغة العربية لغة التخلف. ولا يتعلم القرآن. ايه ده! اعوذ بالله ايه ده! فالمدارس ردت قالت لهم ما فيش ما عندناش وقت الحصة القرآن. قالوا لهم طب بدلوا حصة موسيقى شيلوا حصة موسيقى وحطوا حصة قرآن. القيامة قامت موسيقى نشيل الفن عشان القرآن - 00:38:20

نشيل الفن كله. والزوق كله عشان نطلع ارهابيين. ازاي يا جماعة؟ الاعلان اللي لا ينحي من ذاكرة او من جراح الانسان ايام لما العراق دخلت الكويت وعملوا اعلان لبوش بوش الاب بوش المجرم الكبير وطفل كويتي وهو بيقول له يا بابا - 00:38:41

انقزنا يا بابوهوش. اهم روحوا ولعوها. اهم راحوا جابوا دولافها. اهم راحوا عشان يخر الصدفة عليهم من فوقهم. والعياذ بالله يا جماعة يا شباب يا شباب الشباب الشباب ما بيجهش في العمر غير مرة. ابزلوا شبابكم لله. يا امة محمد كل واحد يشوف اغلى حاجة عنده في حياته ايه. اغلى حاجة عندك في حياتك الوقتي شبابك الدين - 00:39:01

للدين. اغلى حاجة عندك الوقت خبرتك وزكائك وخبرة الحياة. بعد سنين الحياة دي كلها تالت دين. اغلى حاجة عندك لسانك وكلامك وفصاحتك لدار الدين اغلى حاجة عندك ما لك اديه للدين. يا جماعة يا جماعة لا يستوي منكم من انفق من قبل الفتح وقاتل. اولئك اعظم درجة من الذين انفقوا من - 00:39:20

وقاتلوا اللي الوقت والفتح لسة ما جاش. والازمة لسة مخيمة. والقتلى لسة بتسقط قدام عيننا واحنا عاجزين. اللي الوقت هيقوم ويقف جنب الاسلام. لا يمكن هيبقى سوابه زي سواب اللي هيجي بعد ما الفتح ييجي. والنصر ييجي والتمكين ييجي ويقول انا معكم. خزن عني ما استطعت. الكلمة لما اتقالت اتقالت وكان المسلمين - 00:39:40

محاصرين في غزوة. دلوقتي في الف غزوة ضد الاسلام. هتعملي ايه؟ انا عايزك تبقي ام القائد الرباني المنتظر. انا عايزك تبقي امه. عايز رحم يخرج منه القائد الرباني المنتظر للامة. ترضعيه اليقين والايمان والبطولة. تنزلي حياتك. يبقى ولادك هم رسالة حياتك وعمرك. لا - 00:40:00

وجوني في شغل ولا تخرجي لي في دنيا ولا لو واحدة قالت لك تعالي نتفصح لها انا عندي محرابي هنا ان انا اعبد اقعد اعبد ربنا في اربعة وعشرين ساعة انا قاعدة هنا في - 00:40:20

رسالتي انا نزلت للرحمن صوم عن الدنيا كلها. انا هاسخر حياتي لولادي دهمت. انا انا ممكن لا هاكل ولا هاشرب ولا هانام. عشان ولادي ده هم. عشان ولادي دول كل - 00:40:30

طريقة يتربوا بها. يبقوا رجاله هربيهم بها. كل قصة من قصص السلف والصحابة هتقدر ان هي تعلمهم دينهم وتتنمي البطولة فيهم علمها لهم معنى من معاني البطولة والتضحية هزرعه جواهرهم. كل اية من ايات القرآن حافظها وعارفها وحفظها لهم. انا خلاص انا ده ده الجهاد بتاعي. الرجالة تروح تنزل - 00:40:40

في غزة وانا جاهد في بيتي. انا لازم ابقى ام القائد الرباني المنتظر. ولازم ابني يخرج قائد. وبنتي تخرج ام القواد. لازم انا هنا هنا في رسالتي ووزيفتي انا هنا هعبد ربنا هعبدك يا رب بعبادة. كتير كتير قوي من النساء ما عبدوكش بها يا رب انما لا هيعبدك بها. انا هعبدك بعبادة ان انا - 00:41:00

يا ربي صلاح الدين. هاربي قطز تاني. هاربي يوشع تاني. هاربي اتوطن. يحرر الارض المقدسة تاني عايزين ام يا جماعة. عايزين ام زي امرأة عمران اللي ربت مريم اللي ربت عيسى. ام زي ام موسى اللي من يقننها ربط التابوت في البحر طلع ابنها موسى. طلع ابنها راضع اليقين مع - 00:41:20

امه اوحينا الى ام موسى ان ارضعيه. مش هترضعه لبن بس. هترضعه لبن ويقين وسبات. واستعداد للتضحية وايمان بالله. رضة واحدة ده بس من ام موسى ابنها بعد اربعين سنة طلع نبي. حتى بعد ما غاب عن حضنها سنين. لان صاحبة رسالة. انا عايز ببقى كل واحد مننا صاحب - 00:41:40

رسالة صاحب قضية عايش عشان قضية حياته. عايش عشان له قضية في الحياة. له قضية بببزل عشانها وبيعيش عشانها. وببيضي

عشانها. احد آا احد ناس يعني وهو ماشي فلقى عربية لاعبة بسبعمية جنيه بنته بتعيط عليها. بيقول انا ما جاليش قلب اروح الا لما رحت كارت الفيزا سحبت سبعميت جنيه وجبتهم لها. يا سيدي - [00:42:00](#)

ولكن انت طلعت كم سبعميت جنيه لغزة؟ يا جماعة التبرع بالمال غير الجهاد والمال. احنا دلوقتي خلاص احنا دلوقتي تقريبا بنوصل لآخر الحلقة. احنا دلوقتي خلاص بنقفل في الحلقة التبرع بالمال غير الجهاد. المال الجهاد بالمال انك تجهد نفسك. تجهد نفسك. البنت دلوقتي لما بتلبس اما بتلبس النقاب. ابوها بيحاربها قد ايه؟ والبيت بيحاربها قد ايه - [00:42:20](#)

وعلى بوابات الجامعة بتحارب قد ايه؟ ولما بتلبس استريتش الكل بيحيي. الكل بيضرب تعظيم سلام يا سلام يا رب! يا سلام! المسلمين الوقتي عنده اللي يحتاجه البيت يحرم الجامع. يحرم! اللي يحتاجه ده اللي يحتاجه الجمع يحرم. يحرم على على بق الانسان اللي مخلص - [00:42:40](#)

ربنا ويحرم على جيبه ويحرم على بق ولاده. اللي يحتاجه الجامع ده قبل اي حاجة في الحياة. اللي يحتاجه الدين ده قبل اي حاجة في الحياة. ديني. ديني واهم حاجة في - [00:43:00](#)

لما يا جماعة احنا احنا المصيبة مش في الغرب. المصيبة فينا احنا. اللي لبس لبس النبي وكتب جنبه الارهابي ده ممسل مننا احنا. ممسل مكتوب في البطاقة بتاعته ديانة الاسلام الي اللي بيحاربوا الدين الدنمارك بعد ما نزل المنتجات الدنماركية في اسواقنا ثاني. لو كان ابوك اللي اتشتم كنت تنزل او - [00:43:10](#)

او تتعامل معهم تجارية ثاني لو كانوا شتموا ابوك مش شتموا النبي عليه الصلاة والسلام. امتى هنعيش عز الديننا؟ امتى هنعيش لدينا؟ امتى يا جماعة تبقى رسالة حياتنا دينا؟ انا الوقتي - [00:43:30](#)

في التوصيات بازن الله سبحانه وتعالى. اول توصية عايز اقولها لكم عشان ما انساش يعني توصية في العبادة ان ان شاء الله بازن الله بكرة تلتاشر واربعتاشر وخمستاشر خدوا بالكم عشان ما ننساش التوصية الخطيرة ديت لان الواحد بيبقى كل شهر مرعوب انه ينسى هذه التوصية. لان بازن الله سبحانه وتعالى الدعوة الى الله لها بركة - [00:43:40](#)

كل واحد بيطبق انت فكرته شف ثوابه عند ربنا. ثوابك عند ربنا انت وهو شركاء في هذا الثواب. لا ينقص من اجره شيء. تلتاشر واربعتاشر وخمستاشر بكرة ان شاء الله سبت وحد واثنين بازن الله سبحانه وتعالى - [00:44:00](#)

ما ننساش صيام هذه الايام ابدًا يا جماعة. بازن الله ما ننساش صيامها. والدعاء لاخواننا. ما تنسوش ان بكرة فيه بعض الشركات اليهودية الي بتبيع في اراضي اعلنت ان هي داخلها بكرة وربحها بكرة هيخصص لحرب اليهود على غزة. هيخصص لدعم اليهود في حرب غزة. بكرة السبت دهو خدوا - [00:44:15](#)

يا جماعة. عشان كده بكرة احنا من باب الامن كل المقاطعة هنطبقها ان شاء الله بازن الله. والمفروض نطبق على طول بازن الله ربنا يعينا يا رب جميعا. ولكن يعني - [00:44:35](#)

المصطفى طبعًا. يعني انا نفسي نبدأ مشروع مع بعض بعد كده المقاطعة التدريجية. لان المقاطعة الكلية صعبة على كثير من الناس. صعب علينا كلنا يعني. فبكرة يا جماعة كثير جدا من الشركات او اغلب الشركات هيخصصوا ربحهم للحرب على غزة. خدوا بالكم. يبقى بكرة لكن تاكي ولا مكدونالدز ولا - [00:44:45](#)

كوكاكولا ولا بيبسي ولا الكلام ده خالص. ولا ايريال ولا المنزفات بتاعة آا ولا الايريال والتايد الحاجات دي ممنوعة تماما بالزات بكرة بالزات بكرة اليوم اللي هيخصصه في الربح بتاعهم لحرب الاسلام في غزة لا اريال ولا ولا طايد ولا كنتاكي - [00:45:05](#) ولا مكدونالدز ولا كولا ولا بيبسي ولا سفن ولا ميراندا ولا تيم ولا الحاجات دي كلها اللي احنا عارفين ان هي امريكية ويهودية الوقت يا اخواني بازن الله سبحانه وتعالى يعني بعد ما قلنا توصيل تلتاشر واربعتاشر وخمستاشر وان الناس تقوم تتسحر بعد الحلقة. اللي عارف انه هينام مش هيصحى غير على الفجر - [00:45:25](#)

يقوم يتسحر بعد الحلقة على طول بازن الله سبحانه وتعالى عشان ما ينساش الا اللي هيتسحر في النهاية بازن الله. بذكركم ثاني بالكود بتاع غزة. بذكركم ثاني الكود بتاع غزة. الكود بتاع غزة صفر صفر تسعمية وسبعين - [00:45:44](#)

خمسة تسعين صفر صفر تسعمية وسبعين خمسة تسعين وبعد كده اي ست ارقام. صفر صفر تسعمية وسبعين بعد كده خمسة تسعين وبعد كده اي ست ارقام بذكركم ثاني بالكود بتاع غزة وبذكركم ثاني بالتبرع مش مش تبرع بالملء - [00:46:02](#)

جهد بالمال. الجهاد بالمال. وبأوصيكم قبل ما اسيبكم يا جماعة. بأوصيكم الوصية اللي يوشع ابن نون. وهو خارج يحارب من اجل الارض المقدسة. لان القواد الربانيين اللي حرروا الارض المقدسة مش قليلين. ده كتير جدا. انا بذكركم يا جماعة ثاني بيوشع ابن نون. يوشع ابن نون. وهو خارج يحرر الارض المقدسة. يوشع البطل اللي - [00:46:25](#)

على ايد سيدنا موسى يوشع يا جماعة وهو خارج وقف للجيش. والجيش كبير زي الصخرة الاسلامية دلوقتي ما هي كبيرة. المنقبات كتير الملتحيين كتير الملتزمين الهتيفة كتير بتوع امين في الجوامع كتير. كتير كله كتير. وقف يشع وقال لهم استنوا - [00:46:45](#)

لا يتبعني رجل من ثلاث. اللي يلاقي نفسه واحد من الثلاثة دول ما يجيش ورايا. ما يجيش في الجيش بتاعي ليه؟ هو انت مش عايز عدد؟ لا مش عايز عدد. الراجل لما يجي لي النبي عليه - [00:47:03](#)

والسلام قبل المعركة قال له يا رسول الله اسلم الاول وبعد كده قاتل ولا انزل اقاتل على طول وانصر على طول ما فيش وقت ما فيش وقت اي حد يبجي وخلاص - [00:47:13](#)

شيوعيين ينصروا القضايا ينصروا. علمانيين ينصروا ينصروا. الرسول قال له لا لا الرسول قال له بل عليه الصلاة والسلام. اسلم سم قال الدين الاول لانك لو نزلت المعركة من غير دين مش هتبقى سبب نصر. هتبقى سبب هزيمة. يا اللي لابسة بنطلون واقفة تهتف في المظاهرات. عمرك ما هتبقى سبب - [00:47:23](#)

يا اللي حاطة ماكياج واقفة تهتفي في المظاهرات. عمرك ما هتبقى سبب نصر. يا اللي لابس سلسلة وواقف تهتف في المظاهرات. عمرك ما هتبقى سبب نصر. اسلم ثم قاتل اسلم سم قاتل الدين الاول عشان لما تنزل تبقى سبب من اسباب النصر. يشع بنون الا يتبعني رجل من ثلاث. اللي يلاقي نفسه واحد من الثلاثة دول ما يجيش وراه - [00:47:43](#)

رجل ملك بضع امرأة كتب كتابه عليها ولما يبني بها لسة الدخلة ما جتش وهو ينتظر ان يبني بها. مستني مستني امتى يوم الجواز وليلة الدخلة وشهر العسل والهاني مونفريود مستني. مستني الحياة والمتع والفسح. ما يجيش ورايا. طب ليه؟ هو الجواز حرام؟ لا مش حرام. او مال ما يجيش وراك ليه؟ ورجل - [00:48:03](#)

اعمدة بيت ولما يبني سقفا وما قفلش السقف بتاعه وهو ينتظر ان يبني سقفا. واحد صب خرسان التلات تدوار ولسه ما قفلهمش صب صب عمل الطوب في الدور الفوقاني ولسه ما غفوش. لسه ده ما يجيش ليه؟ هو ان انا ابني شقة حرام؟ لا مش حرام. امال ايه؟ ليه - [00:48:23](#)

رجل له خريفات ولما تنتج البهايم اللي عنده حامل ولسه ما ولدتش. وهو ينتظر ان تنتج. طب ليه؟ هو حرام مش حرام. امال ايه؟ دنيا لأ. الصف ده ما ينفعش يبقى فيه حد في قلبه دنيا - [00:48:43](#)

عشان كلمة وهو ينتظر. مش عشان يا جماعة له خريفات حامل مش عشان بنى بيت والبيت هيتصب لأ. مش عشان كاتب كتاب وهيتجوز؟ لأ يا جماعة عشان كلمة وهو ينتظر. وهو - [00:48:57](#)

ليه؟ لان ربنا في القرآن بيقول فمنهم من قضى نحبه ومنهم من ينتظر مستني الشهادة اللي منتظر الدنيا عمره ما هينتظر يا اما تبقى ومنهم من ينتظر منتظر الشهادة في سبيل الله. يا اما تبقى وهو ينتظر الدنيا انها تيجي. هي دي الكلمة الخطر في الكلام كله - [00:49:12](#)

هي دي كلمة انك مستني دنيا. انك بتحلم بالدنيا. انك بتحلمي بالدنيا. انا قلت لكم يا جماعة ما ينفعش. احنا جيل ما ينفعش احلامنا تبقى في الدنيا. احنا جيل احلامنا كلها لازم - [00:49:32](#)

عن الدين. عارفين سيدنا موسى كان هو الاعظم ولا يوشع ابن نون؟ لأ طبعا سيدنا موسى هو الاعظم. ده هو استاز يوشع ابن نون يوشع ابن نون اتربى على ايديه. عليهم السلام جميعا - [00:49:42](#)

امال مين اللي اتعرض على ايده الارض المقدسة؟ يوشع سيدنا موسى مات في التيه. مات وقبره على مشارف الارض المقدسة

عند الكتيب الاحمر. بين وبين حدودنا مع غزة ممكن ممكن اشبار. رمية حجر. الله! يعني سيدنا موسى مش هو حرر الارض

المقدسة لأ. ويوشع حرارة اه الله! هو يوشع اعظم من موسى له - [00:49:52](#)

امال ايه! امال ازاى! لان الجيش اللي كان ورا موسى كان جيش مخذول الجيش قالوا اذهب انت وربك فقاتلا. انا ها هنا قاعدون. انما

الجيش اللي كان وراه يوشع كان جيش عايز يحرر الارض المقدسة فعلا. يعني عايز اقول ايه؟ عايز - [00:50:12](#)

القائد الرباني المنتظر عمره ما هيبجي الا لو فيه صف رباني منتظر. الا لو فيه ام ربانية منتظرة. الا لو فيه جيش رباني منتظر الا لو

فيه ملتزمين وملتزمات ربانيين منتظرين. هم دول اللي فعلا ساعتها يبجي القائد يقودهم الى النصر. ولكن طول ما احنا كده -

[00:50:29](#)

طول ما احنا ملتزمين وملتزمات معظمتنا سلبي معظمتنا ما هوش قادر يحرك القضية. معظمتنا ما هوش قادر يعيش عشان الدين احنا يا

جماعة مش هنتقدم. لا رجل من ثلاث لازم تطهير الصف من الدنيا الاول. لازم تطير لحرر غزة لازم. ما فيش حد منهم منتظر دنيا. كلهم

احلامهم دي. فرسان - [00:50:49](#)

اقصى ناس لا تحلم بالدنيا. ناس ما فيش في قلبها دنيا. ناس زي سيدنا علي ابن ابي طالب تحب الله ورسوله ويحبها الله ورسوله.

انت بتحب ربنا قد ايه؟ طب لو فتحنا قلوب كل اللي قاعدين الوقتي كلنا فتحنا قلوبنا كلنا. وربنا - [00:51:09](#)

ربنا اطلع عليها دلوقتي هيرى اقدر قلب فينا بيحبه مين؟ هيرى اقدر قلب فينا فيه حب لله صادق مين؟ فينا فيه شوق لله صادق

فيه. مين يا جماعة؟ مين فينا يا جماعة بيقف في الصلاة؟ قلبه مع ربنا ومع ملكوت ربنا ومين فينا قلبه بيقف في الصلاة؟ قلبه -

[00:51:26](#)

والامتحانات. مين فينا فكره يا جماعة في الدين ومين فينا فكره في الدنيا؟ مين؟ مين فينا سبب نصره؟ ومين فينا سبب هزيمة؟ لما

صلاح الدين الايوبي كان بيعدي قبل معركة حطين بالليل في نص الليل يلاقي خيمة الجنود اللي فيها نايمين يقول اه من هنا تأتي

الهزيمة. بعد كده يعدي يلاقي خيمة الجنود اللي فيها واقفين - [00:51:46](#)

يصلوا ويبكوا بيقول اه من هنا يأتي النصر يا جماعة انت لما تعدي جنب اي نادي ابن نوادي من هنا تأتي الهزيمة. جنب اي كوفي

شوب ولا انترنت كافيه قاعدين يتفرجوا فيه يلعبوا بلاي ستيشن من هنا تأتي الهزيمة - [00:52:06](#)

جنب الملتزمات والدروس الدينية من هنا ياتي النصر جنب القنوات الدينية من هنا يأتي النصر جنب الملتزمين والملتزمات والدعاة

الى الله. من هنا ياتي النصر. لما تشوف ملتزم ماشي ماشي في الشارع سرحان في الملكوت من وقفة الهزيمة - [00:52:20](#)

وملتزم ماشي يدعو الى الله ويكلم الناس وينشر الدين وينشر الدعوة ويتكلم مع ده ومع ده من هنا يأتي النصر انت سبب نصر ولا

سبب هزيمة. انت سبب نصر ولا سبب هزيمة؟ لازم الليلة كل واحد يقف مع نفسه. القائد الرباني المنتظر - [00:52:33](#)

اللي كتير سمعنا دعاء بيقوله اللهم افتح على امة محمد بالقائد الرباني المنتظر. انا دارس الليلة كان هدفه ان انا اقول لكم ان القائد ده

ما بيطلعش كده. ان القائد ده مش حاجة بتطلع كده بنستنى وتقوم جاية لا القايد ده صناعة القائد ده افراز تيار قوي متماسك حامل

للم عايزين التيار الاسلامي يعلم - [00:52:52](#)

بقى عايزين نبقي اصحاب هم بقى. عايزين نشيل قضية بقى. الملتزمات اللي من ساعة ما بتغطي وشها بالقماشة السودا وتقول لك انا

منقبة. يا حبيبتي! وبعدين كل دماغها امتى هتجوز؟ امتى هيجي العريس لا انا عايز انت يا بنتي انت طول ما انت مع ربنا ما

تشيليش هم حاجة من الدنيا. ربنا هيديك اللي ما ادهوش لحد من العالمين - [00:53:12](#)

ربنا يكرمك باحسن زوج واحسن زرية. بازن الملك سبحانه وتعالى. انت يا ابني طول ما انت مع ربنا ما تشيلش هم حاجة. من جعل

همه هو الله. الشعار بتاع الواحد - [00:53:32](#)

الامتحانات طول ما هو في الكلية. بالزات السنين الاخرانية. من جعل همه هو الله كفاه الله هم كل شيء. خل همك هو ربنا خلوا همنا

هو التمكين يا جماعة. لازم تبقي انت ام القادر ربنا المنتظر. وانت قائد ربنا المنتظر - [00:53:42](#)

واحنا صف رباني منتظر. وتبقى امة ربانية. امة فعلا ربنا هيفتح على ايديها. اللي عايز يبقى فارس بالفرسان الاقصى يطبق الكلام ده

يا جماعة. يطبق ما ينساش سيدنا داود مسال التضحية والفداء اللي رمى نفسه على جالوت. وقلب الموازين كلها في لحزة. ما ننساش سيدنا علي اللي بيحب ربنا قوي قوي. وربنا فتح له - [00:54:00](#)

الابواب وفتح على ايديه. ما ننساش سيدنا عمر العبقرى اللي ما لوش زي. البطل الملتزم اللي ما لوش زي. الملتزمة اللي ما لهاش نزيل في الصف كله. ما ننساش يوشع بنون اللي طلق الدنيا بالتلاتة. اللي قال ما حدش ينتظر دنيا ييجي معي. اللي منتظر الشهادة بس هو اللي ييجي معي. ما ننساش صلاح الدين الايوبى - [00:54:20](#)

اللي قلبه طلق الضحكة. اللي قلبه خالص الابتسامة. اللي قلبه عجز انه يفرح او يضحك لغاية ما فلسطين اتحررت. ما ننساش تلاتاشر وخمستاشر سبت وحد واتنين ان شاء الله. ما ننساش الاتصال باخوانا في غزة. نواسيهم ونشجعهم على الصمود. صفرين تسعمية وسبعين - [00:54:40](#)

خمسة تسعتين سم اي ست اركان. ما ننساش التبرع في الجماعات الشرعية. في الهلال الاحمر في اتحاد اطباء العرب. في اي نقابة اطباء لجنة الاغاثة ما ننساش يا جماعة ما ننساش نقاط بكرة تماما. مقاطعة تامة لاي منتج اسرائيلي او امريكي. وان انت كده بتساعد في ضرب اخوانك في غزة - [00:55:00](#)

ما تنساش كل الكلام ده ما ننساش ابدأ ان مطلوب منا مهمة كبيرة اوي اوي ربنا يعينا عليها. ربنا يعينا يا رب على ان احنا نبقى ائمة في هذا الدين - [00:55:24](#)

اللهم اللهم استعملنا لنصرة دينك في الارض. اللهم اصطفينا جنودا مخلصين لك يا رب. اللهم اخرج من هذه الامة قائدا ربانيا منتظرا يحرر فلسطين ويقود الامة الى التمكين ويعيد الخلافة يا رب العالمين. اللهم اخرج منا دعاة - [00:55:34](#)

اللهم اخرج منا دعاة وداعيات. اللهم اخرج منا دعاة وداعيات وعلماء وعالمات وعلماء على منهاج السنة وعالمات. وعباد وعبادات ومجاهدين اللهم املاً قلوبنا باليقين. اللهم اجعلنا من جندك المخلصين. اللهم يا ذا العز الذي لا يرام. يا ذا الركن الذي لا يضام - [00:55:54](#)

اللهم اشف صدور قلوب المؤمنين. انصر اخواننا في فلسطين. انصر اخواننا في غزة. وفي الخليل وفي الضفة وفي القدس. انصر اخواننا في العراق وفي السودان. انصر اخواننا في كشمير وفي افغانستان. انصر اخواننا في بورما وفي الشيشان. انصر كل من - [00:56:24](#)

وراية لدينك. انصر اولياءك اللهم اعز دينك. اللهم انصر دينك واعز اوليائك. اللهم ان يسود واذن لشرعك ان يحكم. اللهم املاً حياتنا بالدين وبالطاعة. اللهم اجعلنا جندك المخلصين يا رب - [00:56:44](#)

وافتح على ايدينا العالم يا رب واهد غير المسلمين. واهد غير المسلمين يا ارحم الراحمين. كما هديت المسلمين امين امين اقول قولي هذا واستغفر الله لي ولكم سبحانك اللهم وبحمدك اشهد ان لا اله الا انت استغفرك واتوب اليك. وجزاكم الله خيرا - [00:57:04](#)

- [00:57:31](#)